



Aqqalu C. Jerimiassen
Atassut

UKA 2025/91
17. oktober 2025

Inatsisissatut siunnersuutiniq suliaqartarnej pillugu malitassiat atuuttut allangortinneqarnissaat pillugu Naalakkersuisut peqquneqarnissaannik Inatsisartut aalajangiiffigisassaattut siunnersuut, taamaalilluni inatsisissatut siunnersuutip nassuiaataani, nunat tamat akornanni pisussaaffinnut, nunat tamat akornanni Kalaallit Nunaanni Namminersorlutik Oqartussat malitassaanni pisussaaffinnut tunngatillugu inatsisissatut siunnersuummi inuit pisinnaatitaaffiit aamma nunap inoqqaavisa pisinnaatitaaffiit tunngasunik nassuiaasiortoqartassalluni. Naalakkersuisut suleriaasiat nutaaq ulloq 1. januar 2026 atuutilissaaq.

(Inatsisartunut ilaasortaq Mariane Paviassen Jensen, Inuit Ataqatigiit)

Atassummiit inuit pisinnaatitaaffii tapersersorpagut. Siunnersuutillu siunertaa politikkikkut annerusumik illuatungilersugassanngimmat, inatsisiliornermi atuutsitsinissamut qulakkeerinnissutaassammata taperserpagut.

Nunap inoqqaavisa pisinnaatitaaffii Atassummiit tapersersorpagut. Eqqaamassavarpulli taakku pisinnaatitaaffiit tassaammata uagut nunap inoqqaajusugut kalaallit pisinnaatitaaffitta eqquutsinneqarnissaasa Danmarkip suliaassatut atsiornikuummagit, imminnullu atuutsitsisussatut pisussaaffilerlutik. Uagullu unioqqutitsisoqannginnissaanut eqqummaarilluta nakkutilleeqataassaagut, kulturertut, inooriaaserput, oqaatsigut, nunattalu qanoq atornerqarnera pillugu oqartussaaffik uatsinniilluni.

Eqqaanerqarnerli ajortoq tassaavoq. Nunarput Naalagaaffinngorpat nunap inoqqaavisa pisinnaatitaaffii qanoq pissavagut? Uagummi tassaalissaagut nunap inoqqaavisa pisinnaatitaaffiit atuutsitsisussat. Immitsinnut nakkutigilertussaavugut nammineerluta innuttaasutta nunap inoqqaavisut amerlanerussuteqartutut pisinnaatitaaffiisa eqquutsinneqarnissaat. Ilaa ajorpoq?

Imaalerniartussaassaarmi, nunatsinni immikkuullarissumik kulturillit allatullu oqaasillit pisinnaatitaaffigiligassai. Nunatta kangiani, Avanersuarmilu inuit immikkut illersugaalissapput. Uagullu nammineerluta atsiortussanngussaagut nakkutigisaalerlutalu ikinnerussuteqartutta atugaasa pisinnaatitaaffii ilumut atuutsinnerigut. Tamanna eqqaamasassavarput.



Taamaalilluta tamakkiisumik siunnersuut taparserparput.